

TAR Uwchradd Cymraeg - 2023-2024



Annwyl ddarpar fyfyrwr,

Longyfarchiadau ar gael eich derbyn ar y rhaglen TAR ym Met Caerdydd! Rydym yn falch iawn eich bod wedi penderfynu dilyn y rhaglen drwy gyfrwng y Gymraeg. Mae galw mawr am athrawon yn y sector ac rydym yma i'ch cefnogi i ddatblygu eich sgiliau ieithyddol personol yn ogystal â'ch sgiliau addysgu yn ystod y flwyddyn.

Beth am ymuno gyda **grŵp Whatsapp** gyda phobl eraill fydd yn dod ar y rhaglen ym mis Medi a chyfathrebu yn Gymraeg o'r dechrau. Dwi wedi perswadio un o'r cyn-fyfyrwyr i sefydlu grŵp Whatsapp a'i rhif ffôn symudol hi ydy 07429672692. Os anfonwch chi neges testun ati yna fe wnaiff hi eich ychwanegu chi at y grŵp. Grŵp i fyfyrwyr yn unig fydd hwn a fydd tiwtoriaid ddim yno i fusnesu!

Manteiswch ar bob cyfle i siarad Cymraeg. Cofrestrwch gyda Menter Caerdydd ar gyfer cael gwybodaeth am ddigwyddiadau Cymraeg yng Nghaerdydd e.e. Tafwyl 15fed-16eg o Orffennaf 2023. Mae rhai digwyddiadau yn cael eu trefnu yn rhithiol ar hyn o bryd hefyd. Mae mentrau eraill ar gyfer ardaloedd penodol.

Cymorth

Lawrlwythwch ap **Sgiliau Iaith Athrawon** Gwnewch yr ymarferion sawl tro a cheisio gwella eich sgôr bob tro. Peidiwch poeni os nad ydych chi'n cael sgôr uchel i ddechrau, mae'r tasgau yn eitha heriol. Y peth pwysig ydy eich bod yn gwella bob tro a'ch bod yn gwneud cynnydd. Dyma'r ddolen i wefan Sgiliau Iaith Athrawon: [Coleg Cymraeg Cenedlaethol : Adnoddau Iaith i Athrawon](#). Bydd angen cofrestru trwy'r Coleg Cenedlaethol, ac yn gwelwch wledd o adnoddau defnyddiol ac ymarferion iaith yn barod i'ch helpu yn ystod eich cwrs TAR.

Lawrlwythwch **Ap Geiriaduron**.

Lawrlwythwch **Ap Treiglo**

Dysgwch sut i droi eich cyfrifiadur i fersiwn Cymraeg er mwyn ogoi: 'I' yn lle 'i' / 'Marched' yn lle 'merched' / 'Rode' yn lle 'roedd' / 'Plenty' yn lle 'plentyn' ayb.....

Dysgwch sut i ddefnyddio fersiwn ar-lein **Cysill/Cysgair** neu gallwch gael trwydded am ddim i'ch cyfrifiadur drwy fynd ar y ddolen hon: <https://www.cysgliad.com/en/free-licence/>. (Does dim fersiwn am ddim ar gael i gyfrifiaduron Apple hyd yn hyn). Mae Cysill a Cysgair ar nifer o gyfrifiaduron y brifysgol yn y ganolfan. Pan fyddwch yn ymweld â'r ganolfan ym mis Medi cofiwch ofyn wrth y ddesg pa gyfrifiaduron sydd yn cynnwys Cysill a Cysgair.

Lawlwythwch apiau: **BBC Cymru Fyw, Golwg.360.Cymru, Newyddion** er mwyn cael penawdau newyddion a straeon cyfredol yn Gymraeg. Mae'r rhain yn fyr ac yn fachog ac yn help i ddatblygu geirfa gyfredol.

Darllen!

Os ydych chi'n gweithio mewn ysgol yn ystod y cyfnod hwn, efallai bod cyfle i chi fenthyg nofel ar gyfer plant hynaf ysgol gynradd/ plant ieuengaf ysgol uwchradd. Ydy eich siop leol Gymraeg yn cynnig gwasanaeth drwy'r post? (Caban ym Mhontcanna, Siop y Felin yn yr Egwys Newydd, Canolfan Soar ym Merthur Tudfil, Siop y Bont ym Mhontypridd, Vintage Cant a Mil yn Cathays.) Ewch ar wefan Gwales.com sef safle gwerthu y Cyngor Llyfrau Cymraeg. Mae modd i chi ddarllen adolygiadau o'r nofelau cyn penderfynu eu prynu. Cofiwch hefyd am eich llyfrgell leol!

Os hoffech chi ddarllen gwaith academiadd yn y Gymraeg, ewch ar **Gwerddon** sef cyfnodolyn academaidd y Coleg Cymraeg Cenedlaethol. Mae Rhifyn 26 yn arbennig o ddiddorol o safbwynt addygu plant blynyddoedd cynnar. Mae **Gwerddon Fach** sy'n brosiect ar y cyd rhwng y Coleg Cymraeg Cenedlaethol a Golwg hefyd yn lle da i ddarllen am astudiaethau academaidd.

Mae'n werth darllen manylion y Cwricwlwm i Gymru hefyd er mwyn, nid yn unig deall mwy am y cwricwlwm ond hefyd, er mwyn ymgyfarwyddo gyda'r iaith a'r derminoleg.

<https://hwb.gov.wales/cwricwlwm-i-gymru>.

Os hoffech chi ddarllen am addysgeg perthnasol i'r Gymraeg mae'r llyfryn hwn yn lle da i ddechrau <https://www.bangor.ac.uk/education-and-human-development/documents/Cymraeg-tudalen.pdf>

Rydym yn edrych ymlaen at gydweithio gyda chi y flwyddyn nesaf. Os oes rhywbeth penodol yr ydych am ei drafod, croeso i chi gysylltu gyda fi fel tiwtor cyfrwng Cymraeg Uwchradd: Gmorgan@cardiffmet.ac.uk.

Mwynhewch y gwyliau, a than fis Medi!

